

# Uorden da chasa *scoula primara Tarasp*



## **respet**

Mincha scolar(a) ha il dret da gnir trattà cun respet e da's mouver libramaing sül areal da scoula sainza ch'el(la) stopcha avair temma. Tuot ils stabilimaints da scoula vegnan resguardats sco lös d'imprender e minchün piglia resguard.

Las ordinaziuns da mincha persuna d'instrucziun vegnan respettadas.

## **reglas da classa**

Las reglas da classa vaglian per tuot las personas d'instrucziun pertoccas.

## **la posa**

### *posa*

Dürant la posa gronda van ils uffants a l'ajer frais-ch. Schi'd es fich trid'ora as das-cha star dadaint a giovar gös – la decisiun es pro la magistra da classa.

### *areal da posa*

L'areal da posa nu das-cha gnir bandunà. L'areal da posa vain definà tenor l'ora e las stagiuns da las personas d'instrucziun, saja quai vi'n Uorgia, sülla piazza da giovar o davant scoula.

### *marendas*

Ils uffants piglian cun sai marendas sanas e variadas. Il s-chart da la marena vain büttà illas chavognas da merda. I nu vain büttà mangiativas.

### *sgürezza*

Dürant las posas nu's poja ir cul velo o cul trottinet sül areal da posa. Sülla piazza dad Uorgia esa permiss dad ir culs skate-, waveboards o oters ogets rodants, id es da portar lapro üna chaplina. Cun ir sülla piazza cun tals ogets as piglia resguard süls oters scolars.

### *respet*

Ils scolars(as) inscuntran ün a tschel cun respet. Üna dispitta vain scholta sainza violenza. Scha quai nun es pussibel, tschercha il scolar(a) sustegn pro la magistra chi ha survaglianza da posa.

## **controlla da posa**

Dürant las posas survaglia la persuna d'instrucziun chi ha tenor plan da survaglianza l'areal da posa.

### **putschs**

Illas stanzas da scoula sun putschs obligatorics. I'l local da zambriar han aint ils scolars(as) las s-charpas da via.

### **alcohol e nicotin**

Sül areal da scoula esa scumandà da consümar drogas (alcohol, nicotin, tabac da schnupf, eui.)

### **handys e giovarets eletronics**

Dürant l'instrucziun da scoula ed illas posas sun ils handys ed oters ogets eletronics dals scolars(as) serrats giò ed invisibels, o – amo meglder – gnanca in scoula!

Ogets eletronics, chi vegnan dovrats na tenor l'uorden da chasa, vegnan confisciats. La magistra da classa decida sur dals prossems pass.

### **uorden e nettaschia**

Ils scolars(as) guardan d'avair uorden aint ils piertans e süls areals da scoula (putschs, s-charpas, giaccas, tas-chas, rests da marendas, eui.). Quai vain controllà da la magistraglia.

### **velos e trottinets**

Scolars(as) das-chan gnir a scoula cul velo o cul trottnet. La decisiun e respunsabilità es da la vart dals genituors. La scoula nu surpiglia ningüna respunsabilità per eventuels dons o accidaints! La scoula preferischa cha'ls scolars(as) chi vegnan a scoula cun ün veicul portan üna chaplina! Dürant il temp da scoula e d'ürant las posas esa da portar üna chaplina scha scolars(as) van d'ün stabilimaint i'l oter.

### **inviern – trar buorras**

Buorras das-chan gnir trattas be vi la piazza da posa Uorgia sülla paraid da ballas. I nu das-chan gnir trattas buorras ün vers tschel.

### **transports da scoula**

La magistraglia guarda cha'l transport dals scolars(as) a mezdi funcziuna.

Quist uorden da chasa aintra in vigur als 14 december 2016

magistraglia da Tarasp e Cussagl da scoula Scuol